



Broj:04-GV-02-954/18

Datum: 12.09.2018. godine

**ZAPISNIK**  
**O RADU 17. SJEDNICE KOMISIJE ZA SPOMENIKE**  
**GRADSKOG VIJEĆA**  
*održane 12.09.2018. godine*

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član

Odsutna: Lana Velić, članica, (najavljen izostanak)

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Sjednici prisustvovali iz Gradske službe za urbano planiranje, investicijske, stambene i komunalne poslove:

- Amir Pandžo, šef Odsjeka za komunalne poslove
- Senada Kočan, viši stručni saradnik - Odsjek za komunalne poslove

Predsjedavajući je otvorio 17. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu 16. sjednice Komisije za spomenike održane 19.06.2018. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Predlaganje tema za izradu Nacrta Programa rada Gradskog vijeća Grada Sarajeva za 2019. godinu
2. Nacrt Odluke o izmjenama i dopunama Odluke o spomenicima od značaja za Grad Sarajevo
3. Tekuća pitanja



## **TAČKA 1.**

### *Predlaganje tema za izradu Nacrta Programa rada Gradskog vijeća Grada Sarajeva za 2019. godinu*

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike u ovoj fazi programiranja daje svoje prijedloge, sadržane u ovim zaključcima, a eventualne nove teme će formulirati pri razmatranju Nacrta Programa rada Gradskog vijeća Grada Sarajeva za 2019. godinu, u redovnoj proceduri.
2. Komisija za spomenike očekuje da će Gradonačelnik predložiti teme za izradu Nacrta Programa rada Gradskog vijeća Grada Sarajeva za 2019. godinu u segmentu podizanja spomenika od značaja za Grad Sarajevo tako da znače realizaciju zaključka Gradskog vijeća donesenog na prošloj sjednici Gradskog vijeća:  
„Zadužuje se Gradonačelnik da razmotri mogućnosti i predloži odgovarajuće akte kojima bi Gradsko vijeće odlučilo o tome da Grad Sarajevo kao nosilac realizacije projekta podizanja spomenika, određenom dinamikom i podigne spomenike, čije podizanje je Gradsko vijeće i iniciralo, a među kojima su i spomenik Kralju Tvrtku Kotromaniću, Isa beg Ishakoviću, ubijenim građanima Sarajeva '92-'95 i Spomen obilježja ženi Sarajeva, Grahamu Bamfordu, te Esadu Arnautaliću, Kemalu Montenu i Dariju Džamonji, a što podrazumijeva planiranje sredstava za njihovu realizaciju“.
3. Komisija za spomenike predlaže Gradonačelniku da razmotri potrebu donošenja Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području grada Sarajeva, a koji su od značaja za Grad Sarajevo, te da predloži teme vezane za razmatranje i donošenje ovakve odluke tokom 2019. godine za izradu Nacrta Programa rada Gradskog vijeća Grada Sarajeva za 2019. godinu.

## **TAČKA 2.**

### *Nacrt Odluke o izmjenama i dopunama Odluke o spomenicima od značaja za Grad Sarajevo*

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike sugerira Gradskom vijeću da razmatra Nacrt Odluke o izmjenama i dopunama Odluke o spomenicima od značaja za Grad Sarajevo kako je predložena, uz uvažavanje prijedloga rješenja iz zaključaka koji slijede.  
Komisija očekuje da će Predlagač prihvatiti ove prijedloge i sugestije a ukoliko ih ne prihvati prije upućivanja Nacrta Odluke Gradskom vijeću na razmatranje, ovi prijedlozi postaju prilog javnoj raspravi Komisije za spomenike Gradskog vijeća.
2. U članu 3. Nacrta Odluke o izmjenama i dopunama Odluke o spomenicima od značaja za Grad Sarajevo potrebno je predložiti dopunu člana 7. Odluke o spomenicima od značaja za Grad Sarajevo sa dva nova stava 3. i 4. tako da glase:  
„Investitor je dužan, po stupanju na snagu odluke o podizanju konkretnog spomenika od značaja za Grad Sarajevo, podnijeti zahtjev za izdavanje urbanističke saglasnosti za podizanje spomenika, nadležnom općinskom organu, najkasnije u roku od 60 dana i o tome istovremeno izvijesti Gradonačelnika.  
„Ukoliko investitor ne izvrši obavezu navedenu u stavu 3. ovog člana, Gradonačelnik pokreće prema Gradskom vijeću proceduru stavljanja van snage odluke Gradskog vijeća o podizanju spomenika od značaja za Grad Sarajevo koju investitor ne realizira u propisanom roku iz stava 3. ovog člana“.

Obrazloženje za ovako postupanje je otvaranje mogućnosti da se odlukom dodjeljena lokacija opredijeli izgradnji drugog spomenika od značaja za Grad Sarajevo.

3. U članu 4. Nacrta Odluke o izmjenama i dopunama Odluke o spomenicima od značaja za Grad Sarajevo potrebno je predložiti izmjenu člana 11. Odluke o spomenicima od značaja za Grad Sarajevo tako da glasi:

„Sredstva potrebna za realizaciju ove Odluke planiraju se u Budžetu Grada Sarajeva na posebnoj stavci i to za:

- čuvanje, održavanje i zaštitu spomenika od značaja za Grad Sarajevo i
- podizanje spomenika od značaja za Grad Sarajevo kojima je Grad Sarajevo investitor.

Sredstva za čuvanje, održavanje i zaštitu spomenika od značaja za Grad Sarajevo se planiraju na osnovu godišnjeg programa čuvanja, održavanja i zaštite spomenika od značaja za Grad Sarajevo koji donosi Gradonačelnik uz prethodnu pribavljenu suglasnost Komisije za spomenike Gradskog vijeća.

Sredstva za podizanje spomenika od značaja za Grad Sarajevo kojima je Grad Sarajevo investitor se planiraju na osnovi godišnjeg programa podizanja spomenika od značaja za Grad Sarajevo kojima je Grad Sarajevo investitor koji donosi Gradsko vijeće na prijedlog Gradonačelnika, a zasnovan na inicijativama koje su dobile podršku Gradskog vijeća i za koje je Komisija za spomenike utvrdila da su inicijative za podizanje spomenika od značaja za Grad Sarajevo i uputila Gradonačelniku na obradu s ciljem da Grad Sarajevo bude investitor podizanja spomenika“.

Obrazloženje za ovu dopunu je potreba za uređenim kontinuiranim održavanjem spomenika od značaja za Grad Sarajevo, u okviru raspoloživih sredstava koja se za ovu namjenu obavezno planiraju u Budžetu Grada Sarajeva za svaku godinu, a prema zajedničkom opredjeljenju koje se provjerava kroz suglasnost Komisije za spomenike na godišnji program čuvanja, održavanja i zaštite spomenika od značaja za Grad Sarajevo koji donosi Gradonačelnik.

Također, iz dosadašnjeg iskustva gdje je uočeno da se inicijative Gradskog vijeća za podizanje spomenika od značaja za Grad Sarajevo kojima je Grad Sarajevo investitor, ne realiziraju, uz redovno obrazloženje da nisu planirana ili nisu dostatna finansijska sredstva za njihovu realizaciju, potrebno je redovno planirati sredstva i za ovu namjenu, a na osnovu godišnjeg programa izgradnje koji će donijeti Gradsko vijeće na prijedlog Gradonačelnika.

Gradonačelnik će predložiti program Gradskom vijeću cijeneći mogućnost izdvajanja sredstava za ovu namjenu u godišnjem budžetu, rokove u kojima su određene inicijative podnesene, te kompleksnost projekta podizanja svakog pojedinog spomenika (očekuje se da će podizanje određenih spomenika biti i višegodišnji projekti, a određena spomen obilježja kao što su spomen ploče i sl. se mogu izvesti u relativno kratkom roku i uz manje izdvajanje).

Komisija za spomenike očekuje i realizaciju zaključka Gradskog vijeća sa 17. sjednice koji glasi:

„Zadužuje se Gradonačelnik da, pri predlaganju Budžeta Grada Sarajeva za 2019. godinu, planira sredstva na posebnoj stavci, za provođenje Odluke o spomenicima od značaja za Grad Sarajevo, koordinirano sa godišnjim programiranjem održavanja spomenika“.

4. Komisija za spomenike predlaže da se prijedlog zaključka kojim bi Gradsko vijeće Nacrt Odluke o izmjenama i dopunama Odluke o spomenicima od značaja za Grad Sarajevo uputilo u javnu raspravu izmijeni, odnosno dopuni tako da javna rasprava ne bude kraća od 30 dana od dana upućivanja Nacrta u javnu raspravu, a da subjekti u javnoj raspravi, pored navedenih u predloženom zaključku, budu i klubovi gradskih vijećnika, Komisija za očuvanje nacionalnih spomenika Bosne i Hercegovine i Institut za istoriju Sarajevo.

*TAČKA 3.*  
*Tekuća pitanja*

Pod ovom tačkom dnevnog reda nije bilo zaključaka.

*ZAPISNIČAR*

*Mirjana Đanović Stanić*

*PREDSJEDAVALAČI KOMISIJE*

*Enes Husejnović, s.r.*